


Alkitab Anggen Anak Alit

Sang Petani
Lan Bibite



Kasurat olih: Edward Hughes

Kaperagayang olih: M. Maillot; Lazarus
Alastair Paterson

Ka tempa saking: E. Frischbutter; Sarah S.

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2023 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.



Sedek dina anu Ida Sang Hyang
Yesus mapica paurukan di sisin
danune. Liu pesan anake
mapunduh ningehang paurukan
Idane.

Anake ane ngrenyeng Ida
liu pesan. Ape miribang
ane lakar
laksanayang
Ida?



Ida Hyang Yesus nyingakin jukung di sisin danune, lantas Ida menek ke jukunge. Ane jani Ida prasida nyingakin makejang aneke ane ada ditu lan madingehang paurukan Idane.



Ida Hyang Yesus ngawitin paurukan
Idane nganggon pangimba ane aluh
buat ngurukan anak ane ade ditu
indik Ida Sang Hyang Widi.



“Ada petani adiri sedeng nyambehan bibit di tegalanne.” Pangandikan Idane rikala Ida mapica paurukan nganggon pangimba.



Makajang anake ane madingehang paurukan Idane
sinah sube aluh ngresepang sawireh ia sesai
nepukin patanine nyambehan bibit.




Ada makudang-kudang bibit ane
sambehang ulung di jalane.
Wuuus! Kedis-kedise lantas
enggal sajan teka
ngamah bibite ento.



Ada masi makudang-kudang bibit ulung di tanahe ane bek misi batu. Bibite ento enggal mentik sakewala tusing ja mekelo idup. Panes matan aine ngranayang ia layu, uli krana akah tanemane ento tusing dalem.



Bibit ane lelan ulung di
selag-selagan ketkete.
Entikan bibite ento tusing
nyidang mebuah sawireh
tanggeb ketket nganti
tusing maan kena sinar
matan ai.



Nah ada masi bibit ane ulung di tanahe ane mokoh. Makelo-kelo ia ngenah mentik, ngedenan lantasi mebuah liu pesan. Atin petani liang pesan, sawireh ia liu maan hasil panen.



Sesubane Ida Hyang Yesus mragatang satwan Idane, para sisian Idane matur buke kene, “Guru punapi kranane guru mapiuruk nganggen pangimba?” Petakon danene.



Pangandikan Ida Hyang Yesus, pangimbane ento lakar ngranayang anake elah bisa ngresep paurukan guru, utaminne buat anak-anak ane subakti ring Ida Sang Hyang Widi. Yen ia tusing subakti ring Ida Sang Hyang Widi, ia tusing lakar bisa ngrepang pangimbane ento.



Ida Hyang Yesus negesang artin pengimban
Idane. Pangandikan Idane, bibit ane kasatwang
guru tusing ja len nah ento satmaka sabda Widine.




Bibit ane ulung duur jalane, nah ento satmaka anak ane madingehang sabdan Ida Sang Hyang Widi, sakewala ia tusing ngresep ring sabdan Idane.

Setane ngranayang ia tusing ja rungu teken

pangandikan
Ida Sang
Hyang Widi.



Ada masi makudang-kudang anak aluh pesan nampi sabdan Ida Sang Hyang Widi. Ia patuh buka bibit ane ulung di tanahe ane bek misi batu. Sakewala yen ada anak ane ngledekin ia, tur ia merasa idupne keweh uli krana ia subakti ring Ida Sang Hyang Widi, nah ditu ia lantas ngutang kepercayane.



Anak ane lenan, ane liang nampi sabdan Ida Sang Hyang Widi, ia lakar suud ngidepang sabdan Ida Sang Hyang Widi. Ia tusing nyak nerima kekewehan idup, yen ngiringan Ida Hyang Widi. Nah ento sinah sube ngranayang atine sebet, uli krana ia demenan yen atin timpal-timpal ne liang, ketimbang ngeliangin manah Ida Sang Hyang Widi.



Taneman ketkete ento
keumpamayang
kasumangsayan

teken arta brana ane
nangkeb idupne. Ia lakar
sibuk megae apange terus
ngeliuanan ngelah pipis,
barang-barang ane melah
nganti ia tusing takut
ngutang Widine.



Sakewala bibit ane ulung di tanah ane mokoh liu mesuang hasil panen, ento patuh buka pangandikan Ida Sang Hyang Widi ane ngerangsuk di atine tur ngubah idup anake ento. Anak-anake ento ngancangin tur subakti ring Ida Sang Hyang Widi.



Liu anake tusing nyak megedi uli tongose ento, Ipun dot ngiringang tur ngaluwihan Ida. Pangimba Ida Sang Hyang Yesus ento maguna pesan buat ipun apange nawang kenken carane idup taat ring Ida Sang Hyang Widi.



Sang Petani Lan Bibite

Wenten katuturan carita saking pengandika Ida sang Hyang
widi mewasta Alkitab,

dados sobyahang ring

Matius 13

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

